



8. August 2013

UKA13/44

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiupparput:

**Apeqquteqaat aallaavigalugu nuna tamakkerlugu immikkut ittumik eqqagassanik salinissamik suliniuteqarnissaq pillugu oqallisissiatut siunnersuut.**

(Inatsisartunut ilaasortat: Gerhardt Petersen, Siverth K. Heilmann, Atassut)

**Tunnngavilersuut:**

Nunarput eqqagassanik immikkut ittumik katersugassanik piffinni amerlasoorpassuarni katersaa-teqaleraluttuinnarnera ATASSUT-mit iliuseqarfigineqarnissaat siunertaralugu matumuuna Inatsisartunut apeqquteqaatit oqallisissiaq.

ATASSUT-mit arajutsisimanngilarput ukiorpanni kingullerni eqqagassanik angisuunik mikisunillu eqiterineq sumiiffinni tamaginni annertusiartuinnartoq

ATASSUT-mit isumaqarpugut pinngortitap-, avatangiisillu illersornissaanut tunngatillugu tigussaasumik iliuseqarnissaq qaninnerpaaq tassaalersoq anginerusunik mikinerusunillu eqqagassanik isumaginninnerup sukateriffiginissaa piffissanngoreersoq, uagullu politikerit siunissamut atorsinnaasatsinnik, nunarput tamakkerlugu amigaateqartugut, eqqagassat taakku amerlanerulernissaat pinaveersaarniarlugu.

Taamaattumik ATASSUT-mi isumaqarpugut maannakkut piffissanngoreersoq nunatsinni piffiit tamaasa eqqagassarsuarnik katersuiffiginissaat. Taamaasilluta pinngortitap avatangiisillu, uumasullumi illersornissaannut aalajangersimanerusumik nammineq sunniuteqarfigilersinnaassavagut, minnerunngitsumillu aamma kinguaariinnut pitsaasumik maligassiuilluni ingerlatseqqinnissaq qulakkeerqarsinnaalissalluni.

ATASSUT-mit aamma arajutsisimanngilavut illoqarfinni ataasiakkaani eqqagassalerinermi sulinitit assigiinngitsut aallartinneqarsimaneri, soorlu Nuummi eqqagassanik avatangiisinut uloria-naatilinnik biilnik katersinerit maanna ingerlanneqartalersimapput, eqqagassanillu aamma immikkoortiserineruleraluttuinnarnerit aamma eqqumaniarfigineqarnerulersimallutik.

Maannamut misilittagaalersimasut pitsaasut sinerissamut tamanut siammarterneqarsinnaanissaa neruuutiginaqaaq, taamaattorli ATASSUT-mit isumaqarpugut immikkut ittumik suliniuteqartoqartariaqartoq sineriak tamakkerlugu eqqagassanik katersaatit piarneqarnissaannut.

Oqallisissiaq pisortanut aningaasatigut allaffissornikkullu kingunissai:

Oqallisissiaq pisortanut aningaasatigut allaffissornikkullu kinguneqartussaassaaq, oqallisissiaq ilalernerqarpat qanoq annertutigisumik aningaasaliisoqarsinnaanersoq oqallisissiaq tunnngavigalugu misissuineqassaaq.

Kommune-t; Namminersorlutillu Oqartussat, kiisalu KANUKOKA imminnut suleqatigiiffigalugu ilusilerneragut suliarisinnaavaat, Nuummilu Sisimiunilu periarfissat ingerlalereersut isiginierneqarsinnaat aamma atorluagassaasoq innersuussutigeriissavarput.

ATASSUT-miit pingartilluinnarparput inuiaqatigiittut eqqagassarsuit annertusigaluttuinnartut suliniuteqarfiginissaat anguniassagipput, taamaasilluta pinngortitarput minguiluinnartoq iliuseqarfigissagatsigu.

Oqallinnissamut pissarsiaqarluarfiusussamut qilanaarpugut!